

ŽEMAITIU KULTŪRAS DRAUGĖJĖS ONTRASIS SOVAŽIAVĖMS

Rogpjūtė 1 dėina Varniūs ivyka Žemaitiu kultūras draugėjės ontrasis sovažiavėms. Darbuotvarkie bova trys klausėmaa: Draugėjės dvijū metu darba ataskaita ir tuoesnė veikla. Draugėjės santyke so naujėe ikorta Žemaitiu Akademėjė. Draugėjės pėrmininka ir vaduovaujontiu organu rinkėmaa. Pradiuo vėsė sosėrinkosėjėe tyluos mėnotė pagerbė dėdėlė Žemaitėjės mylietuojė Kudabas Česluova ir kėtū Žemaitiu kultūras draugėjės nariū, mėrusiu laikotarpio tarp sovažiavėmu, atmėnėma. Sovaziavėmou vaduovava Draugėjės pėrmininks **KASPARAVIČIOS** Stanisluovs. Ons atsėskaitė ir ož Draugėjės darba per do paskotėnius metus. Aple Žemaitiu Akademėjės būsėma veikla papasakuojė rektuorios **BOTRĖMS** Aduoms. Ons pažymiejė, ka pri Akademėjės būs ikorta pataremuoji Žemaitiu kultūras taryba, katra ne tik koordinous Akademėjės veikla, bet ir darys ytaka rajuonu, miestu kultūras skyriu darbou.

NIŪNEVAITĖ Stasė (Akmenės rajuons) pasakė, kad Draugėjės aktyvou reek daugiau rūpintėis jaunima pritraukėmo i Draugėjės veikla. Ana pasidžiaugė geraas pranešėmaas, katrus Varniū konperėncėjuo perskaitė jaunėjėe muokslėninkaa, paragėna palaikytė ryšius so Žemaitėjės rašytuojū ir dailininku kūrybėnees sosėvienėjėmaas. Kaunjetems rūpėmaas klausėmaas kalbiejė tuo miesta Žemaitiu bėndrėjės atstuoovaa **KUCKAILIENĖ** Genuovaitė, **LIAUGAUDS** Adolfs ir **KAZALUPSKIS** Liodvėks. Anėi viel primėnė, ka torietom būtė geresnė ryšėe tarp Draugėjės skyriu ir bėndrėju, daugiau inpuormacėjės aple Draugėjės veikla, planuojemus organizoutė renginius. Bova pažymėta, ka žemaitėe torietom paruodytė tvirtiesni karaktuori itvėrtėnont žemaitiu kalba muokyklus, atstatont žemaitėškus vietuovardius. Sovaziavėms pritarė Žemaitiu laikraštė "A mon sakaa?" leidieju pasiūlymou nu šiū metu ketvėrta ketvėrtė vėituo laikraštė leistė žornala "Žemaitija". Ons pradiuo torietom pasėruodytė metūs keturis kartus.

GURAUŠKAITĖ Aušra (Vėikšnec) pasiūluojė tradicėnės žemaitiu istuorėku konperėncėjės organizoutė ne tik Varniūs, bet ir kėtuos Žemaitėjės vėituos. Vėina iš tuokiū konperėncėjū ana paragėna sorėngtė Vėikšniūs ir anuo pašnėkietė aple bruoliu Biržėšku gyvenėma ir darbus.

Sovaziavėmė bova analizoutė ir žemaitiu kalbuos reekalaa. Aple būtėnybė mūs krašta kalbininkams soeitė i krūva šnėkiejė **PABRIEŽA** Jūzaps (Šiaulee). Per tuoki soejėma torietom būtė pasėskirstyta darbaas ir pradieta rašytė Žemaitiu gramatika. Diei bėndravėma sava gimtuoje kalba nikuokiū prieštaravėmu nebova: jee tik muokam ir galem, rokoukemuos sava gimtuoje muotėnas kalba -- nomūs, darbė, gatvie ir vėsor kėtor. Nerėektom atstumtė nu savės ir tū, katrėi yr primėrsė ar vėsaa nebmuook sava tarmies -- svarbo, ka anėi dėrbtom Žemaitėjėe, gerbtom anuos istuorėjė, žmuonis ir anū darbus. Sovaziavėmė geraa ivertinta Žemaitėjės puolkuorėniu ansambliu veikla, puopagoujint mūs krašta kultūra, papuotius.

ŽEBRAUSKIS Algėrds (Telšėe) pateikė inpuormacėjė aple Rainiū kuopėytės statyba. Pagrindėne darbaa ėe jau pabėngtė,

pursrūsie irėngts moziejos. Greito laiko kuoplytė torietom būtė perdouta Vėišvienu parapėjėe. Lėka sotvarkytė tik Rainiū konkėniū kapa. Pruojekts jau paruošts. Vėsė, katrėi piningaas nuorietom prisidietė pri tuo pruojekta igyvėndėnėma, sava dali santaupu galiptom pervestė i saaskaita Nr. 700432 Žemės ūkė banka Telšiū skyriou. **A. ŽEBRAUSKIS** papasakuojė, ka bėngama rinktė istuorėnė medžega aple Žemaitėjės geraldika. Kaa tik tas darbs būs pabėngts, vielevas, gerba pruojektaa būs pateiktė Respublėkas geraldikas kuomisėjėe. Sovaziavėmė teep



VAZBUTA Stasė puortėgrapėjuo: Žemaitiu kultūras draugėjės pėrmininks **KASPARAVIČIOS** Stanisluovs.

pat kalbiejė **MIKUTIS** Vytauts iš Vytuoglas, Vėlniaus pavieta Maršalka **SRIEBALIOS** Juons, **URBITS** Vytauts iš Šėlalės, **MATULEVIČIENĖ** Jenina iš Skouda, **GRĖGUOLA** Puovėls iš Plungės, **BUKANTIS** Juons iš Klaipėdos, **VĖIŠNIAUSKIS** Jūzaps iš Skouda, **MILTIENIS** Stepuons iš Raseiniu ir kėtė sovažiavėma dalyvėe. Išrinkts Draugėjės darba prezidiums. Draugėjės pėrmininka pareigas viel patikiectas Kasparavičiou Stanisluoovu. Draugėjės valdyba nutarta sodarytė iš aktyviausiu Draugėjės nariū, katrus Draugėjės darba prezidiumou pasiūluojė skyre, bėndrėjės, pavietaa. Teep bėngies trijų dėinū darbs Varniūs. Pryš atsėsveikėnont būrys sovažiavėma dalyviu nosėpotuograpava pri M. Valončiaus paminkla. Tretiesis Žemaitiu kultūras draugėjės sovažiavėms pagal ystatus torietom ivyktė pu dvijū metu.

ŽELVYTĖ DANGUOLĖ